

# Ua li cas kom ceeb toom txog tej teeb meem, kev mob, los sis kev txhawj txog tshuaj tua kab

## Teeb Meem los sis Kev Txhawj txog Tshuaj Tua Kab



Koj puag raug **xwm txheej ceev** txog tshuaj tua kab?

Piv txwv hais tias, yog tab tom tsuag tshuaj tua kab rau koj los sis ya tuaj rau koj, qhov tseem ceeb yog koj tab tom mob heev xws li nyuaj rau koj ua pa.

Thov **hu 9-1-1** kom txais kev pab.

Koj puas xav ceeb toom txog ib qho **xwm txheej tsis ceev** los ntawm teeb meem los sis kev txhawj txog tshuaj tua kab?



**Hu koj Cheeb Nroog tus Tswj Xyuas Fab Hauj Lwm Ua Liaj Teb (CAC) hoob kas** kom ceeb toom txog qhov teeb meem. Yog koj hu thaum tsis yog lub sij hawm ua lag luam, thov kaw suab hais ib zaj lus.

Koj nrhiav tau nws tus naj npawb nyob [online](http://www.cdfa.ca.gov/exec/county/county_contacts.html) ([www.cdfa.ca.gov/exec/county/county\\_contacts.html](http://www.cdfa.ca.gov/exec/county/county_contacts.html)) los sis cia li hu 1-87PestLine (1-877-378-5463).

Koj xa tau ib daim ceeb toom tsis tas qhia koj lub npe (tsis pub qhia yog leej twg), tiam sis yog koj tsis sau ib yam twg kom paub tiv tauj koj, ces cov neeg ua hauj lwm rau CAC hu tsis tau koj rov qab xyuas seb.

Tej xov xwm twg yuav pab cov neeg ua hauj lwm rau CAC tshuaj xyuas koj txoj kev ceeb toom?



- Qhov chaw nyob los sis thaj chaw uas twb raug teeb meem los sis tab tom raug
- Hnub thiab lub sij hawm uas raug teeb meem
- Yog koj los sis lwm tus raug los sis tab tom raug tej yam ntawm sab cev nqaij daim tawv los sis lwm yam uas qhia tias twb raug teeb meem
- Ib zaj lus piav me ntsis txog qhov teeb meem, tsis hais tej yam uas koj pom, hnov tsw, los sis xav.

Tsis tas li ntawd, qhov uas koj qhia koj lub npe, naj npawb xov tooj los sis email yuav pab kev tshuaj xyuas, tiam sis **koj tsis tas qhia tej xov xwm ntawd** rau cov neeg ua hauj lwm rau CAC kom lawv ua kev tshuaj xyuas ntawd. Yog koj qhia koj lub npe, cov neeg ua hauj lwm rau CAC yuav tsis qhia rau leej twg tsuas yog koj hais kom qhia koj lub npe hauv tej daim ntawv coob toom uas raug cai. Yog koj qhia koj xov xwm tiv tauj koj, cov neeg ua hauj lwm rau CAC yuav rov qab hu tuaj rau koj hnub lag luam tom qab.

Raws li xov xwm uas koj qhia, cov neeg ua hauj lwm rau CAC yuav ua hauj lwm kom nrhiav (cov) neeg los sis koom haum lag luam uas koom qhov teeb meem thiab ua lawv txoj kev tshuaj xyuas. Lub sij hawm uas siv kom tshuaj xyuas tiav los yeej sib txawv. Koj hu tau kom thov paub lub npe ntawm (cov) tshuaj tua kab uas siv hauv qhov teeb meem—uas koj qhia tau thaum twg paub lawm—thiab **tshuaj seb txoj kev tshuaj xyuas mus zoo li cas thaum twg** los tau. Koj kuj mauj cai txais ib daim ntawv ceeb toom txog txoj kev tshuaj xyuas thaum kawg, tom qab ua tiav lawm.

Yog xav tau xov xwm ntiv txog kev ceeb toom txog tej teeb meem ntawm tshuaj tua kab:  
[www.cdpr.ca.gov/docs/dept/quicklinks/report.htm](http://www.cdpr.ca.gov/docs/dept/quicklinks/report.htm).



### Koj puas pheej hmoo raug tshuaj tua kab **thaum koj ua hauj lwm?**

Koj muaj cai ceeb toom txog tej kev ua hauj lwm nrog tshuaj tua kab uas tsis puaj phais thiab tej kev siv tshuaj tua kab uas tej zaum txhaum cai rau koj **Cheeb Nroog tus Tswj Xyuas Fab Hauj Lwm Ua Liaj Teb (CAC) hoob kas** yuav tsis raug txim los sis poob hauj lwm.

Cov uas ntiav neeg ua hauj lwm yuav tsum ua raws li kev cai kom ua tau hauj lwm siv tshuaj tua kab raws li kev puaj phais, xws li:

- Muab kev cob qhia ua ntej cov neeg ua hauj lwm siv cov tshuaj tua kab thiab ua ntej lawv ua hauj lwm hauv tej teb uas raug tshuaj tua kab lawm
- Muab cov khoom kom tiv taus tus kheej (personal protective equipment, PPE) thiab cov khoom kom ntxuav huv (ntxuav hauv dej).

Yog xav tau xov xwm ntxiv txog cov uas ntiav neeg ua hauj lwm tej kev lav ris kom cov neeg ua hauj lwm siv tshuaj tua kab muaj kev puaj phais, thov mus saib:

[www.cdpr.ca.gov/docs/enforce/cmpliaist/worker\\_safety\\_regs.pdf](http://www.cdpr.ca.gov/docs/enforce/cmpliaist/worker_safety_regs.pdf).

### Tej Yam uas Qhia tias Tej Zaum Tau Raug Tshuaj Tua Kab Los Muaj Xws Li



- Tej yam zoo li mob ua npaws (xws li kev nkees, kev mob taub hau, los sis kiv taub hau)
- Qhov muag plooj
- Txhawb ntswg, mob qa, los sis hnoos
- Khaus qhov muag, qhov ntsws, los sis daim tawv
- Tawm hws ntau
- Ntuav, raws plab, los sis mob plab
- Txhawj xeeb, tsis paub meej, taug kev tsis ncaj
- Nyuaj ua pa



Hu 9-1-1 tam sim ntawd yog koj los sis lwm tus:

- Qaug zog los sis mus tsis taus kev
- Hnov mob hauv lub hauv siab
- Muaj lub ntsiab muag me me heev
- Npuag ntawm qhov ncauj thiab qhov ntswg
- Nyuaj ua pa
- Feeb tsis meej

### Mob Vim Raug Tshuaj Tua Kab

Koj puas muaj tej yam uas qhia tias tej zaum koj twb raug tshuaj tua kab?



- Hu 9-1-1 kom txais kev pab yog koj los sis lwm tus raug mob heev.
- Txais kev pab los ntawm ib lub tsev kho mob hauv zej zog los sis tus kws kho mob sai li sai tau.
- Rau tej teeb meem tsis tshua loj, ces koj kuj hu tau Qhov Chaw Tswj Tshuaj Lom, 1-800-222-1222, kom txais tau xov xwm pub dawb thiaj paub pab kho mob thaum xub thawj thiab kom paub ua dab tsi tom qab ntawd. Lawv nyob 24 xuaj moo txhua hnub, 7 hnub txhua lub lim tiam.

Ua tib zoo qhia tias tej zaum koj twb raug tshuaj tua kab. Yog tias twb xav tias raug tshuaj tua kab thaum nyob hauv tsev los sis ua hauj lwm, thaj duab txog pob tshuaj tua kab los sis daim npe, yog thaj tau, thiab nqa tuaj thaum koj hu los sis nrhiav kev kho mob.

### Koj puas tau raug tshuaj tua kab **thaum koj ua hauj lwm?**



Thov tus uas ntiav koj ua hauj lwm thauj koj mus rau tus kws kho mob. Koom haum uas ntiav koj ua hauj lwm yuav tsum ua raws li kev cai kom koj mus rau tus kws kho mob yog tias koj raug mob ntawm tshuaj tua kab thaum ua hauj lwm. Tej nqi kho mob los duav nyob ntawm tus txheej txheem pab them nqi rau cov neeg ua hauj lwm (mus saib [www.dir.ca.gov/dwc/ianda.html](http://www.dir.ca.gov/dwc/ianda.html) kom tau xov xwm tiv tauj).

Yog xav tau xov xwm ntxiv txog qhov uas koj yuav tsum ua li cas yog koj xav tias kev raug tshuaj tua kab ua rau koj mob, thov mus saib: [www.cdpr.ca.gov/docs/dept/quicklinks/whattodo.htm](http://www.cdpr.ca.gov/docs/dept/quicklinks/whattodo.htm).

## **Hais txog Daim Ntaub Ntawv Pab No**

Daim ntaub ntawv no los twb xav tsim kom pab cov neeg zej zog hauv California thiab cov neeg ua hauj lwm rau Cheeb Nroog tus Tswj Xyuas Fab Hauj Lwm Ua Liaj Teb (CAC) ua ib yam ntawm ntau yam cuab yeej (saib Qhov Chaw Tswj Kav Tshuaj Tua Kab [Resource Hub for Local Engagement](#) [Chaw Pab Neeg Zej Zog Koom Tes], Department of Pesticide Regulation's Resource Hub for Local Engagement) uas ib pawg neeg hauv zej zog sib txawv thiab cov koom tes nrog CAC tau sib pab ua kom txhawb nqa thiab pab kev sib txuas lus thiab kev sib koom tes nyob thoob plaws lub xeev.

Muaj ntau txoj kev rau cov neeg hauv zej zog kom ceeb toom kev txhawj los sis qhov teeb meem uas tsis yog xwm txheej ceev ntawm kev siv tshuaj tua kab. Daim ntaub ntawv pab no twb tsim kom muab xov xwm rau cov neeg hauv zej zog kom paub ceeb toom txog tej kev txhawj no rau CAC hoob kas kom lawv mus tshuaj xyuas. Daim ntaub ntawv pab no muaj xov xwm txog txoj kev paub mus ceeb toom tej kev txhawj txog tshuaj tua kab tsis qhia tias koj yog leej twg thiab saib ua ntej yuav tsum muab xov xwm twg rau CAC kom tshuaj xyuas thiab yuam ua raws li kev cai. Muab tau daim ntawv pab no rau cov neeg hauv zej zog, cia cov neeg ua hauj lwm rau CAC siv, los sis tso rau hauv CAC tej hoob kas thiab cov webpage. Tej cheeb nroog hloov tau tej xov xwm twg los ntawm daim ntaub ntawv no los sis [Cheeb Nroog tus Tswj Xyuas Fab Hauj Lwm Ua Liaj Teb Hoob Kas zaj lus kaw suab rau kev ceeb toom txog teeb meem ntawm tshuaj tua kab](#) rau lawv tus kheej zaj lus kaw suab.